

### 9. Cad ba cheart a bheith ar taispeáint ar léarscáil nó ar phlean suimh?

In éineacht leis na sonraí a bhfuil cur síos orthu i mbileog PL.2 Iarratas Pleanála a dhéanamh, bíonn gá, de ghnáth, leis an bhfaisnéis seo a leanas:

- feirm an iarratasóra, clós na feirme, sruthanna uisce, draenacha, tithe, scoileanna, séipéil nó foirgintí do thionóil phoiblí sa chomharsanacht;
- tailte eile sa chomharsanacht i seilbh an iarratasóra nó an tsealbhóra, faoi mharc nó faoi dhath ar leith;
- tailte i bhfeirm an iarratasóra agus lasmuigh di atá ar fáil chun eisilteach a leathadh, mar aon le sruthanna uisce, draenacha, tithe, conaithe, coilleana, séipéil nó foirgintí do thionóil phoiblí i gcoengar 100 méadar den talamh sin.

### 10. Cad ba cheart a bheith ar taispeáint ar léarscáil láithreáin nó leagan amach?

In éineacht leis na sonraí a bhfuil cur síos orthu i mbileog PL.2 Iarratas Pleanála a dhéanamh, bíonn gá, de ghnáth, leis an bhfaisnéis seo a leanas:

- na foirgintí agus struchtúir feirme mar atá siad anois, clósanna le dromchla agus gan dromchla, treonna fána, clósanna salacha, poill sadhlainne, srl.;
- na foirgintí agus na struchtúir atá á mbeartú, mar atá thuas;
- gach geata cloís agus gach fálta;
- na dabhcha stórála eisiltigh atá ann anois, agus mar a bheartaitear, faoi mharc nó faoi dhath ar leith;
- leagan amach na slíte éalaithe eisiltigh agus uisce shalaigh, agus na córais faoina gcaitear le huisce din agus le huisce glan de chineál ar bith eile, idir a bhailiú agus a dhioscáirt. Is gá gach cainéal faoi thalamh, gach draein agus gach piopa a thaispeáint;
- gach sruth uisce, gach tobar, gach soláthar uisce, srl., sinte taobh leis;
- na dabhcha múnlaigh atá ann agus atá mbeartú;
- na bóithre agus teorainneacha láithreáin agus an t-achar slí chucu.

### 11. Cén áit is féidir liom comhairle a fháil faoi stóráil agus faoi dhioscáirt eisiltigh?

Moltar duit áiseanna stórála eisiltigh a dhearadh faoi réir ag Codes of Good Agricultural Practice to Protect Waters from Pollution by Nitrates (Eagrán 1996) arna eisiúint ag an Roinn Talmhaíochta agus Bia agus an Roinn Comhshaoil agus Rialtais Áitiúil. Cuireann oifig áitiúil Teagasc agus an ón tSeirbhís um Fhorbairt Feirme (FDS) faoin Roinn Talmhaíochta agus Bia.

### 12. An gá dom cead de shaghas ar bith eile a bheith agam?

Ní bheidh tú i dteideal, de bhun deonu ceada amháin, an fhorbairt atá á tairiscint agat a chur i gcrích. Is féidir go mbeidh ort ceadúnas a fháil faoi na hAchtanna Rialtais Áitiúil (Truailliú Uisce) 1977 agus 1990, chun eisilteach nó dramhall eile a scardadh isteach i séardach, i loch, in abhainn, i sceamhuisce, srl.

Bíonn ceadúnas um rialú comhtháite truaillithe (IPC), a eisionn an Ghníomhaireacht um Chosaint Comhshaoil, ag teastáil do ghníomhaíochtaí áirithe diantógala muc agus éanlaithe: is féidir sonraí a fháil ó Rannan Ceadúnaithe na Gníomhaireachta, guthán 053-60600.

Beidh gá agat le cead chun ceangal a dhéanamh le príomhphobán uisce poiblí nó grúpa. Má bhíonn dabhach mhunlaigh a cur isteach agat in áit gan seirbhísí, is féidir go mbeidh ort torthaí ar pholl trialach agus sni a chur isteach.

Go ginearálta, is gá go mbeidh gach foirgneamh agus gach fairsingiú géilliúil do rialacháin fhoirgníochta. Ina leagtar amach riachtanais bhunúsacha, maidir le dearadh agus le tógáil. Tá sonraí na rialacháin i mbileog PL.11 Treoir do na Rialacháin Fhoirgníochta, agus is féidir breis eolais a fháil ón údarás áitiúil.

Cuirfidh an t-údarás pleanáil comhairle ort, maidir le dearadh, le críochnú agus le lonnú forbairtí. Moltar duit an plan forbartha áitiúil a scrúdu.

Is féidir leat sonraí na riachtanas reachtúla ar fad is gá a shásamh sula gcuirfear tús le forbairt a fháil ón údarás pleanála.

### 13. An bhfuil contúirt ag baint le linte cumhachta?

Ba chóir duit dul i dteagmháil le hoifig áitiúil B.S.L. má bhíonn na hoibreacha atá le déanamh agat in aice le linte aibhléise atá ann cheana, má bhaineann contúirt le hairde na linte cumhachta os a gcionn nó má thabharfadh an obair thógála duine ar bith gar do sholáthair aibhléise na feirme agatsa. Tá ceangal ort, le finne, é sin a dhéanamh i gcás go mbíonn linte ar bith lastuas taobh istigh de 6 méadar ó na hoibreacha foirgníochta. Is gá duit, chomh maith, fogra 2 mí a thabhairt do B.S.L. má bhíonn ar intinn agat obair thógála ar bith a chur i gcrích taobh istigh de 6 méadar ó linte lastuas. Ba cheart duit dul i gcomhairle le soláthróirí seirbhísí faoi thalamh (mar shampla, gás, aibhléise, séarach) roimh thuas a chur leis an obair, chun nach ndéanfar dochar do phlobáin ná do dhuchtú ná eile. Is féidir fiseáin eolais, Linte Beo agus Power 2 Shock, ach go háirithe, a fháil ó B.S.L., mar aon le póstaer faoisnéise, maidir le Contúirtí aibhléise a sheachaint le linn a bheith ag obair gar do linte lastuas. Ar nós a bheith ag oibriú innealra feirme ar bith, is féidir go dtabharfaidh obair thógála i dteagmháil le haibhléise bheo thu, rud is féidir a bheith cionsiocar le bás nó le drochghortú. Tá leabhrán dar teideal Farm Well, Farm Safety ar fáil ó B.S.L.

Tá an reachtaíocht a rialaíonn an córas pleanála leagtha amach sna hAchtanna um Pleanáil agus Forbairt 2000-2002 agus sna Rialacháin um Pleanáil agus Forbairt 2001-2003. Is féidir iad sin a cheannach ón Oifig Díolta Foilseachán Rialtais, Teach Sun Alliance, Sraid Theach Laighean, Baile Átha Cliath 2. Guthán (01) 647 6995/4.

Is iad na bileoga atá sa sraith seo ná:

Treoir do Chead Pleanála  
Iarratas Pleanála a dhéanamh  
Tuairimíocht ar Iarratas Pleanála a chur in iúl  
Teach a Thógáil – na Ceisteanna Pleanála  
Obair a dhéanamh thart faoin Teach -  
na Ceisteanna Pleanála  
Talmhaíocht agus Forbairt Feirme -  
na Ceisteanna Pleanála  
Pleanáil do Lucht Gnó  
An Plean Forbartha  
Measúnacht ar Thionchar Timpeallachta  
Achomharc Pleanála a Dhéanamh  
Treoir do na Rialacháin Fhoirgníochta  
Treoir don Oidhreacht Ailtireachta

PL.1  
PL.2  
PL.3  
PL.4  
  
PL.5  
  
PL.6  
PL.7  
PL.8  
PL.9  
PL.10  
PL.11  
PL.12

This leaflet is also available in English.



## PL 6 - Talmhaíocht agus Forbairt Feirme - na Ceisteanna Pleanála

PL.6  
Deireadh Fómhair, 2003.



Arna chlóbhualadh ar pháipéar  
arna athchúrsáil as 100% fuíoll  
iarthombhaltais



Is gnách gur forbairtí diolmhaithe iad forbairtí beaga talmhaíochta nó foraoiseachta, ach bíonn gá, afach, le cead pleanála i gcomhair forbairtí móra. Ina theannta sin, bíonn gá le cead pleanála, maidir le forbairt ar bith a mbíonn Measúnacht Tionchar Timpeallachta riachanach (EIA) di. Treoir shimplí i gcomhair feirmeoirí atá sa bhileog seo, ina ndéantar cur síos ar na príomhghnéithe den chóras pleanála is doichí a chasfar orthu.

Mar threoir phraiticiúil amháin a cuireadh an bhileog seo ar fáil. Níl léirmhíniú anseo ar dhli na pleanála. Is féidir leat breis eolais a fháil ón údarás pleanála áitiúil.

### 1. An gá dom cead pleanála a bheith agam?

Go ginearálta, bíonn gá le cead pleanála, maidir le forbairt ar bith ar thailte nó ar shealúchas nach mbíonn dioluine ag gabháil go sainiúil leo ón riachtanas seo. Clúdaíonn an téarma “forbairt” cur i gcrích oibreacha ar bith ar thalamh nó ar fhoirgintí (tógáil, leagan, athru) agus athru ábhartha (i. tabhachtach) ar úsáid talún nó foirgintí.

### 2. Cad is forbairt dhiolmhaithe ann?

Ciallaíonn forbairt dhiolmhaithe forbairt nach mbíonn cead pleanála ag teastáil ina leith. Leagtar amach aicmi forbartha diolmhaithe sa dli pleanála. Forbairtí diolmhaithe is ea cuid mhór forbairtí talmhaíochta, go háirithe, úsáid na talún do chúrsaí talmhaíochta. I gcásanna eile, is gnách go mbíonn teorainneacha áirithe i bhfeidhm, méid nó airde, mar shampla. I gcás go sáraitear na teorainneacha sin, imíonn na diolmhaithe as feidhm. Is é cuspóir dioluine ná sríanta ar mhíonforbairtí a sheachaint. Tá cur síos ar na príomhdhiolúintí sa chead alt eile.

### 3. Cad iad na diolúintí ó chead pleanála?

Is forbairtí diolmhaithe na forbairtí seo a leanas:

- úsáid na talún do chúrsaí talmhaíochta nó foraoiseachta (ach féach na riachtanais EIA faoi Cheist 4 thíos);
- úsáid foirgintí feirme nó foraoiseachta do na cúrsaí sin (ach féach na coinníollacha thíos);
- cothabháil na talún do phórisis talmhaíochta;
- tógáil falla nó fáil nach ceann miotal chumhdaigh ná ceann ag sineadh le gairdín ná os comhair teach cónaithe (tá socrúithe eile ann, maidir le diolúintí tithe);
- úsáid shealadach na talún (do 10 lá nó níos lú) i gcomhair campála nó feistiú báid. Baineann coinníollacha agus sríanta lena leithéid, mar atá, achar slí 50 méadar ó bhóthar poiblí agus i gcongaracht 100 méadar dá chéile;
- úsáid shealadach na talún ag eagraíochtaí gasóg ar feadh tréimhse 30 lá nó níos lú in aghaidh na bliana;
- oibreacha a chuimsíonn tógáil nó cothabháil altáin, draenach, sloic nó clais uisce;
- oibreacha a chuimsíonn siredh mianraí agus petrílíam faoi choinníollacha ceadúnais eisithe chuige sin ag an Aire Cumarsáide, Mara agus Acmhainní Aiceanta.

### Foirgintí agus Struchtúir

Is forbairt dhiolmhaithe soláthar foirgintí agus struchtúir talmhaíochta den cineál seo a leanas:

#### Cineál 1

Struchtúir le díon chun ba, caoire, asail, capaill, fianna nó coinníní a choinneáil, ar an gcoinníoll nach dtéann an t-achar urlair ann thar 200 méadar cearnach agus nach sáraíonn achar iomlán na struchtúir a bhaineann le Cineál 1 i gclós na feirme (nó i ngjorracht 100 méadar de) 300 méadar cearnach;

#### Cineál 2

Struchtúir le díon chun muca, minceanna nó éanlaithe a choinneáil, ar an gcoinníoll nach dtéann an t-achar urlair ann thar 75 méadar cearnach agus nach sáraíonn achar iomlán na struchtúir a bhaineann le Cineál 2 i gclós na feirme (nó i ngjorracht 100 méadar de) 100 méadar cearnach de. Ina theannta sin, is gá fal teorainn i gcomhair minceanna a bheith sách tréan chun nach n-éaloídh siad;

#### Cineál 3

Bothán gan díon, clós scaoithe oscailte, limistéar féinchothaithe nó sadhlann, aprún beatháithe, clós tionoil, parlús crúite agus struchtúir déanta/stórála sadhlainne, ar an gcoinníoll nach dtéann an t-achar urlair i struchtúr nua ar bith thar 200 méadar cearnach agus nach sáraíonn achar iomlán na struchtúir a bhaineann le Cineál 1 i gclós na feirme (nó i ngjorracht 100 méadar de) 300 méadar cearnach;

#### Cineál 4

Stóras, scioból, seid, teach gloine, srl., nach dtéann an t-achar urlair ann thar 300 méadar cearnach, nach n-úsáidtear mar ionad cónaithe i gcomhair ainmhithe na chun eisilteacht láidir a stóráil, agus nach sáraíonn achar iomlán na struchtúir a bhaineann le Cineál 4 sa chnuasach ceanna foirgintí (nó i ngjorracht 100 méadar diobh) 900 méadar cearnach;

#### Cineál 5

Limistéar gan díon le fáil timpeall air mar ionad cleachta agus traenála capall le dromchla sionsseasmhach, ar an gcoinníoll nach dtéann airde an struchtúir thar 2 méadar. Ní féidir an struchtúr a úsáid chun ocaídi poiblí a eagraí ann, agus níor cheart go mbeadh bealach díreach isteach ó bhóthar poiblí ann;

#### Cineál 6

Struchtúir le díon mar ionad cónaithe do chúnna, ar an gcoinníoll nach dtéann an t-achar urlair thar 50 méadar cearnach agus nach sáraíonn achar iomlán na struchtúir a bhaineann le Cineál 6 sa chnuasach ceanna foirgintí (nó i ngjorracht 100 méadar diobh) 75 méadar cearnach;

#### Cineál 7

Clós nó limistéar cruadhromchlach, dúnta (a bhaineann le coinneáil cúnna), ar an gcoinníoll nach dtéann an t-achar urlair thar 100 méadar cearnach agus nach sáraíonn achar iomlán na struchtúir a bhaineann le Cineál 7 sa chnuasach ceanna foirgintí (nó i ngjorracht 100 méadar diobh) 150 méadar cearnach.

Tá na diolúintí sin faoi réir ag na coinníollacha seo a leanas, afach:

- is i gceantar tuaithe amháin is féidir a dtógáil (gach Cineál 7) – ciallaíonn ceantar tuaithe áit lasmuigh de theorainneacha comhairle baile nó cathrach. Ní mór iad a bheith in úsáid do chúrsaí talmhaíochta amháin;
- is gá achar slí 10 méadar ar a laghad a bheith idir a leithéid agus bóthar poiblí (gach Cineál 7);
- is gá achar slí 100 méadar ar a laghad a bheith idir a leithéid agus tithe, scoileanna, séipéil nó foirgintí do thionoil poiblí, muna dtugann na húinéirí agus an lucht cónaithe a gcead i scríbhinn, maidir le hacar níos lú (gach Cineál 7);

- ní féidir airde os cionn talún níos mó ná 8 méadar a bheith ann laistigh de 100 méadar ó bhóthar poiblí (gach Cineál seachas Cineálacha 5 agus 7);
- ní féidir miotal chumhdaigh gan a pheinteáil a úsáid mar dhion ná mar éadan seachtach (gach Cineál seachas Cineálacha 5, 6 agus 7);
- is gá áiseanna stórála eisilte a bheith ag teacht le riachtanais na Roinne Talmhaíochta agus Bia, agus iad i gcumas a chinntiú nach dtruaillíofar uisce dá bharr (gach Cineál seachas Cineálacha 4, 5, 6 agus 7);
- is gá iad a bheith in úsáid do chúrsaí talmhaíochta amháin (Cineálacha 1 go 5) agus do thógáil agus do choinneáil cúnna (Cineálacha 6 agus 7).

Ní baineann na diolúintí sin le forbairtí a chuirfeadh isteach ar shuimh, ar ghnéithe, srl., arna liostáil i gcomhar a gcaomhnaithe i bplean forbartha nó i ndrécachtplean forbartha.

### 4. Gníomhaíochtaí Diolmhaithe eile

Ar na cineálacha áirithe eile gníomhaíochtaí lena mbaíneann diolúintí de réir na Rialachán, tá:

- talamh a thabhairt chun mintireachais (taoscadh páirceanna, fáil a bhaint anuas, feabhas a chur ar na fáil atá ann, inniocras chnóic a fheabhsú, nó tailte inbhir, corraigh agus calaidh a thabhairt chun mintireachais);
- dianchuradóireacht, ar an gcoinníoll nach sáraíonn an t-achar talún 100 heicteár;
- foraoiseacht tosaigh. Tá soláthar i Rialacháin 2001 (Measúnacht Tionchar Timpeallachta) an Chomhphobail Eorpáigh maidir le córas nua reachtúil tola i gcomhair foraoiseachta, arna oibriú ag an Aire Cumarsáide, Mara agus Acmhainní Aiceanta;
- foraois bhuaircinneach a chur in áit foraoise leathanduillí, ar an gcoinníoll nach sáraíonn an t-achar talún 10 heicteár;
- baint mhóna, ar an gcoinníoll nach sáraíonn an t-achar talún 10 heicteár, nó i gcás go sáraíonn, tús a bheith curtha cheana féin le taoscadh an phortaigh.

### 5. Cad mar gheall ar Mheasúnacht Tionchar Timpeallachta (EIA)?

Is gá na forbairtí talmhaíochta agus foraoiseachta seo a leanas a chur faoi EIA mar chuid den phróiseas pleanála. Cálthfear iarratas pleanála, maidir le Ráiteas Tionchar Timpeallachta (EIS), a chur isteach sna cásanna seo:

- athstruchtúir ar shealúchas talún i gcás go sáraíonn an t-achar talún 100 heicteár;
- talamh neamshaothraithe nó leathfhiaín a úsáid do dhianchuradóireacht, i gcás go sáródh an t-achar talún 100 heicteár;
- tograí bainistíochta uisce le haghaidh talmhaíochta
  - i gcás go sáródh an t-achar talún 1,000 heicteár, nó
  - i gcás go mbeadh tionchar aige ar níos mó ná 20 heicteár de thalamh fhliuch;
- foraoiseacht tosaigh a chuimsíonn 50 heicteár nó níos mó;
- foraois bhuaircinneach a chur in áit foraoise leathanduillí, i gcás go sáródh an t-achar talún 10 heicteár;

- difhóraísiú do mhalairt úsáide, i gcás go sáródh an t-achar talún 10 heicteár foraoise aiceanta, nó 70 heicteár foraoise buaircinní;
- tailte mara a thabhairt chun mintireachais, i gcás go sáródh an t-achar talún 10 heicteár;
- baint mhóna a chuimseodh limistéar nua nó leathnaithe 30 heicteár nó níos mó;
- struchtúir do dhiantógáil éanlaithe ina bhfuil níos mó ná 40,000 ionad
- struchtúir do thógáil muc ina bhfuil níos mó ná 2,000 ionad tairgte muc (os cionn 30 Cg) in aonad críochnaithe, níos mó ná 400 ionad cranach in aonad portha nó níos mó ná 200 ionad do chránacha in aonad comhtháite;
- struchtúir siolraithe éisc mhara, ar an gcoinníoll go dtéann an t-achur thar 100 tona in aghaidh na bliana;
- struchtúir siolraithe éisc suas in aghaidh srutha ó fhoinis uisce chun oíla, agus struchtúir eile siolraithe iasc urúisce a sháraíonn 1 milliún bradan óg le níos lú ná 1 méadar ciúbach sa soicind per 1 milliún bradan óg i gcaolú uisce le sruth íseal.

Bíonn EIA riachtanach do thograí sna haicmi thuasluaite, fiú amháin i gcás nach sáraitear na teorainneacha ordaithe, má mheasann an t-udaráis pleanála gur dócha go mbeadh tionchar mór ar an timpeallacht i gceist.

### 6. Cá bhfaighidh mé eolas breise faoi Mheasúnacht Tionchar Timpeallachta?

Minitear i mbileog PL.9 Measúnacht Tionchar Timpeallachta próiseas an EIA agus cad is Ráiteas Tionchar Timpeallachta (EIS) ann. Mineoidh an t-udaráis pleanála duit cad iad na tograí forbartha a mbíonn EIA riachtanach dóibh, agus moltar go láidir duit dul i dteagmháil leis an údarás pleanála i gcomhair comhairliúcháin roimh iarratas a chur isteach, más dócha go gcaithfear EIS a ullmhú dóibh.

### 7. An mó a chosnóidh iarratas pleanála?

Baineann táillí éagsúla le hiarratas pleanála, ag brath ar shaghas agus ar mhéid na forbartha beartaithe. Tugtar na míonsonraí ar fad sna notaí minithe a ghabhann leis an bhfoirm iarratais. Ní féidir le hudasas pleanála cinneadh a ghlacadh i leith iarratais go dtí go n-íocfar an taille cheart. Cuirfidh an t-udaráis áitiúil pleanála nó an Bord Pleanála sonraí na dtáillí ar fad ar fáil duit.

### 8. Cad iad na doiciméid is gá dom a chur isteach?

Minitear i mbileog PL.2 Iarratas Pleanála a dhéanamh cad iad na doiciméid a bhíonn riachtanach le hiarratas pleanála. Ar na doiciméid eile a bhíonn riachtanach i gcomhair forbairtí talmhaíochta tá:

- Sceidil na bhfoirgintí atá ann agus atá a mbeartú, maille lena n-achair urlair, líon na n-ainmhithe atá a gcoinneáil iontu i láthair na huairé agus líon na n-ainmhithe atá beartaithe;
- Sceidil na modhanna atá ann anois agus atá a mbeartú do stóráil agus do leathadh eisilteigh, le foilleadh, le socrúithe a chinnteoidh nach ndéanfar eisilteach a chaolú le huisce glan agus nach mbeidh truaillíú dá bharr, agus mar sin de;
- I gcás gur íomchuí, aontuithe sinithe le sealbhóirí eile talún, maidir le heisilteach a leathadh ar a dtailte